

Mit Verkundt dieses Brieffs/ besiegelt mit vnserm Kayserlichen anhangenden Insigel/ Geben in vnser Stadt Prüssel in Brabant am zween vnd zwanzigsten Tag des Monats Junij/ nach Christi Geburt/ fünffzehnhundert vnd im ein vnd zwanzigsten/ vnser Reich des Römischen im andern/ vnd der andern aller im sechsten Jahr.



C. **Hertzog Johannis zu**
 Cleve/ Gülich vnd zu dem Berg/ das Herzogthumb Cleve Graffschafft von der Marck vnd Herrschafft Genep berürende Regalia.



Ir Carol/ r. Bekennen öffentlich mit diesem Brieff/ vnnnd thun kundt allermänniglich/ Wiewol wir allen vnd jeglichen vnsern vnd des heiligen Reichs Vnderthanen vnd getrewen/ vnser Keyserliche Genad vnd Gütigkeit mitzutheilen geneigt seyn: Jedoch so ist vnser Kayserlich Gemüht billich mehr bewegt/ gegen denen die vns vnnnd dem heiligen Reich/ als die nächsten Glieder/ die Pürdte desselben Reichs mit treuwon Diensten/ Ihrer Leib vnd Gütter helfen tragen/ hie mit

hie mit sonderm vnsern Kayserlichen Gn: zu verstehen.

Wann vns nun der Hochgeborne Johans Herzog zu Gölch / zu Gleve / vnnnd zu dem Berg / Graue von der Marck / vnd zu Ravenspurg / vnser lieber Dheim vnd Fürst / durch die Edlen vnser vnd des Reichs liebe Getrewen Wilhelmnen Herrn zu Kemmenberg / vñ Benreich / Graven zu Limeburg / vnd Herrn zu Oberstein / Als der Sachen sein vollmächtige Anwäldte / mit genugsamen verschriebenen Gewalt / den sie deshalben besigelt / vor vns haben fürbracht / zu erkennen geben / wie er sein Regalia vnd Lehen in eygner Person zu empfangen willig were.

Aber dieser zeit mit mercklichen anligenden vnd geschäften / vnd sonderliche anfechtung vnd anstöß seiner Landt beladen / Deshalben er dieser zeit / zu vns an vnsern Kayserlichen Hoff / mit sein selbst person nicht hab kommen mögen / Als er dan zuthun schuldig were // vnd gern thette.

Vnnnd vns demütiglichen anruffen vnnnd bitten lassen / daß wir ihm das Herzogthumb Gleve / die Graffschafft von der Marck / vnnnd die Herrschafft zu Genep / mit allen ihren Herrlichkeiten / Würden / Ehren / Rechten / Mannschafften / Gerichten / Nutzen / vnd allen ihren andern zugehörungen So von vns / vñ dem heiligen Reich zu lehen rühren / zu Lehen zu verleihen genediglich geraden / Deshalben wir angesehen solch vnser Dheim von Gleve demütig vnnnd fleißig bitten /

auch die angewenen getrewen vnd nutzlichen Dienste/
die sein vorfordern/vñ Er / vnsern vorkabre am Reich/
Römischen Keysern vnd Königen / vnß vnd dem heil-
gen Reich offft vñ dick / williglich gethan haben/vnd Er
in künfftiger zeit wol thun mag vnd sol.

Vnd darumb mit wolbedachtem Muth vñnd gu-
tem Rath/vnser vñ des Reichs Churfürsten/ Fürsten/
Graffen/Edlen vnd getrewen/ vñ rechter wissen / dem
selben Herzog Johansen das gemelt Herzogthumb zu
Gleve/die Graffschafft von der Marck/vnd Herrschafft
zu Genep/mit allen vnd leglichen Ihren herlichkeiten/
Würden/Ehren/Rechten/Mannschafften/Gerichten/
Nutzen/vnd allen andern Ihren zugehörungen / zulehē
gencediglich gereicht vnd verliehen: Reichen vnd verlei-
hen Ihme die auch/von Römischer Keyserlicher macht/
volkommenheit/wissentlich in Krafft diß Brieffs / was
wir Ihme von rechts vnd billigkeit wegen / daran ver-
leihen sollen vnd mögen / Also das er die von vns vñnd
dem heiligen Reich in Lebensweis zu haben/halten/vnd
besitzen / nutzen / nießen / vnd gebrauchen sol / vnd mag/
wie die sein vorfordern / Herzogen von Gleve / biß auff
Ihn vnd Er bißhero Inghabt/gehalten / genossen / vnd
besessen haben/von allermänniglich vnverhindert.

Die vorgemelten Wilhelm herz zu Kennenberg/
vnd Weirich/Graffe zu Limburg / haben vns auch dar-
auff in Krafft des obberührten Ihren gegebenen Ge-
walts in Nahmen/an statt/ vnd in Stelle des obgemel-
ten vn-

ten/unsers Oheims/ vnd Fürsten von Cleve / gewöhnlich
Gelübt vnd Endt gethan/ vns also Römischen Keyser
von solcher Regalia vnd Lehen wegen / getrew / ge-
horsamb vnnnd gewertig zu seyn / vns für seinen rechten
herren zuhalten / zu dienen vnnnd zuthun / Also das ein
Fürst von Cleve/ einem Römischen Keyser oder König
von rechts wegen zuthun/ pflichtig ist/ ohngefährlich:

Mit Vhrkunt diß Brieffs / besigelt mit vnserm
Keyserlichen anhangenden Insigel/ Geben in vnserer
Statt Brüßell in Brabandt/ am Zwen vñ zweenzig-
sten Tag des Monats Junii / nach Christi Geburt/
Fünffzehen hundert vnd eyn vnd zwanzigsten / vnser
Reich des Römischen im dritten vnd der andern aller
im sechsten Jahr.



Copey,

Lehenbrieffs des Her=

D.

ren Herzogen zu Gölch/ie. ober Ihr Fürstl. Gn:

Fürstenthumb Graffschafften/ Herr-

schafften / vnd Regalien, von

Anno 1559.

WIR Ferdinandt von Gottes gnaden / Erwöl-
ter Römischer Keyser / zu allen zeiten mehrer des
Reichs/

1559.
Des. Math.
Augsburg.